

OET 'T HERT



LISA NAUS

INHOUDSOPGAVE

OET 'T HERT

Voorwoord	1	Leefde is ...	32
Wo ... vanaaf	2	Foemmelbaer	34
't Sjteit d'r nag	4	Lae vessj troum	36
Ós dörpke	6	't Kleine	38
Mien sjtad	8	Haop	40
Kal plat	10	Eijke	42
Fees	12	Suupke	44
Ónger de doesj	14	Jaomer	46
Veur de kleijerkas	16	Hekse	48
Eer-det ich	18	Druubbelke	50
Poeddele	20	Keske oet	52
Handjwerke	22	Touverie	54
Aangebrandj	24	Verwónjering	56
Waat ootj èns woor	26	De kersboom	58
De taartsjöp	28	Drie daag lank	60
Mit gesjlaote ouge	30	Gèn aafsjied	62

OET 'T HERT

Met veel liefde presenteer ik u mijn tweede dichtbundel in Limburgs dialect, over liefde en andere levenszaken. Vaak met een likje humor, soms met een snufje melancholie, maar vooral licht verteerbaar.

Van kleine prikkels tot overweldigende emoties, we ervaren ze als onderdeel van ons bestaan. De manier waarop we met gevoelens omgaan, maakt ons tot wie we zijn. Het openen van je hart maakt plechtige gebaren of deftige woorden vaak overbodig.

Hopelijk mag ik u af en toe even raken met mijn mijmeringen, met wat er voor u in een gedicht verscholen zit en op een bepaald moment van pas komt. Schoonheid en troost zitten soms in het kleine, dat ongemerkt over het hoofd kan worden gezien.

Bedankt dat u dit boekje heeft gekozen. Ook als geschenk zal het vast bij iemand terechtkomen die een plekje in uw hart heeft.

Liefs van Lisa!



WO KUMPS SE VANAAF

Es se vraege wo kumps se vanaaf
kroep ich bij mich zelf nao binne
waatv'r kantj wille ze mit mich op
't vèlt neet mekkelik te verzinne.

Alzelaeve diezelfde vraog
bedink d'r mer 'n antjwaord op
m'n sjient dich pas te kènne plaatse
mit zón blauw naambord veur de kop.

Allei: hae is oet 't zuje, ich oet 't noorde
en in Midde-Limburg sjiteit ós hoes
mer d'r is ein dink waat g'r vas zólt weite
sjtein allein make nag lang gèn toes.

Det doon de luuj, mit sjpraok en gedraag
die zólle d'r altied 't meiste toe doon
want waers se neet mit leefde ómermd
den is gein inkel plaetske sjoon.

Mien aafkóms zal ich nootj óntkenne
en zit ich mit 't Zjwaams 'ns d'r naeve
den kiek det Belvends maedje óm d'n hook
det zólt g'r 'm toch waal vergaewe.



'T SJTEIT D'R NAG

't Sjiteit d'r nag
't hoes wo ich bön grootgebrach
es ich mien ouge sjoet den
zeen ich alles weer
bön aeve dao.

Es ich mó't gaon reup mam mich nag get nao
waat ich besjlis neet moog vergaete
en pap blief zitte inne sjtool achter de raam
in 't veurbiejgaon zeen ich wie d'r wink en
mit zón sjeif muundje nao mich lach
en daomit zaet
"Och, kós se mer get langer blieve ..."

't Is ónmeugelik te besjrieve
en toch is 't neet ech veurbiej
want dink ich aan det eljershoes
veul ich de wermte van mien toes
belaeft 't allemaol opnuuj
es-of 't gister woor.